



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«14» սեպտեմբեր 2021 թ.

No 11-4/57540-2021

ՔԱՂԱՔԱՅԻ ԱՐՏԱՇ ԿԱՐԱՊԵՏՅԱՆԻՆ
ՀԱՍՅԵ՝ Ք. ՄԱՐՏՈՒՆԻ, ԿԱՐԱՊԵՏՅԱՆ 54
ՓՈՍՏԱՅԻՆ ԴԱՍԻՉԸ՝ 1401

Հարգելի պարոն Կարապետյան

Տեղեկացնում ենք, որ 03.12.2020թ. ՀՀ պետական եկամուտների կոմիտեի և «ԳԱԳԻԿ-ԱՐՄԵՆ ԳԱԶՇԻՆ» ՍՊ ընկերության (ՀՎՀՀ 08210493, պետ. գրանցման համար՝ 76.110.00971) միջև կնքվել է պարտավորությունների աստիճանական մարման ժամանակացույց՝ 4.000.378 դրամի չափով, 9 ամիս ժամկետով: Ի ապահովումն «ԳԱԳԻԿ-ԱՐՄԵՆ ԳԱԶՇԻՆ» ՍՊ ընկերության ժամանակացույցով նախատեսված պարտավորությունների կատարման՝ ՀՀ պետական եկամուտների կոմիտեի, «ԳԱԳԻԿ-ԱՐՄԵՆ ԳԱԶՇԻՆ» ՍՊ ընկերության (ՀՎՀՀ 08210493) և քաղաքացի Արտաշ Կարապետյանի (հասցե՝ ք. Մարտունի, Կարապետյան 54, նույնականացման քարտ՝ 000501544, տրված՝ 08.02.2013թ., 043-ի կողմից) միջև 27.11.2020թ. կնքվել է շարժական գույքի գրավի պայմանագիր, համաձայն որի գրավադրվել է 5.678.000 դրամ շուկայական արժեքով շարժական գույքեր:

Ընկերության կողմից ժամանակացույցի 5-րդ կետով սահմանված պահանջները՝ այն է՝ «Ընկերությունը պարտավորվում է նաև ՀՀ օրենսդրությամբ սահմանված ժամկետներում և կարգով կատարել 03.11.2020թ. հետո առաջացող հարկային պարտավորությունները» չի կատարվել և ժամանակացույցը խախտվել է, մասնավորապես.

Համաձայն ՀՀ հարկային օրենսգրքի 325-րդ հոդվածի 5-րդ մասի՝ միասնական հաշվում առկա գումարների հաշվին առաջնահերթ մարվում են արտոնագրային հարկի,



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

սոցիալական վճարի, Օրենսգրքի 416-րդ հոդվածի 8-րդ մասով սահմանված՝ հարկ վճարողի գործունեության կասեցման փոխարեն հաշվարկված տուգանքի հարկային պարտավորությունները՝ նշված հերթականությամբ: Սույն մասում նշված հարկային պարտավորությունները մարվում են՝ անկախ հարկ վճարողի այլ հարկային պարտավորությունների առկայությունից և դրանց առաջացման ժամկետներից, իսկ 6-րդ մասի համաձայն նույն հոդվածի 5-րդ մասում նշված հարկային պարտավորությունների բացակայության կամ դրանք մարվելուց հետո հարկ վճարողի այլ հարկային պարտավորությունները մարվում են ըստ ավելի վաղ առաջացած հարկային պարտավորության հերթականության: Ընդ որում, այլ հարկային պարտավորությունների գումարներից սկզբում մարվում են բոլոր հարկերի, վճարների գումարները, այնուհետև՝ տույժերի, որից հետո տուգանքների, վնասի հատուցման գումարները, իսկ հարկերի մարումները կատարելիս առաջնահերթորեն մարվում են նույն օրը ներկայացված հարկային հաշվարկներով ձևավորված այն հարկերի գծով պարտավորությունները, որոնց կատարման՝ Օրենսգրքով սահմանված վերջնաժամկետն ավելի շուտ է լրանում: Վերոնշյալ հոդվածի վերլուծությունից հետևում է, որ «ԳԱԳԻԿ-ԱՐՄԵՆ ԳԱԶՇԻՆ» ՍՊ ընկերության կողմից կատարված վճարումները ուղղվել են հարկի գումարի մարմանը, ինչի արդյունքում էլ 13.09.2021 թվականի դրությամբ գանձման ենթակա գումարները կազմում են ընդհանուր 10.462 դրամ, այդ թվում /եկամտային հարկի տույժ՝ 6.713 դրամ, շրջանառության հարկի տույժ՝ 3.749/, որոնք ներառված են 03.12.2020 թվականին կնքված հարկային պարտավորությունների աստիճանական մարման ժամանակացույցում:

27.11.2021 թվականին կնքված շարժական գույքի գրավի պայմանագրի 2.2 և 2.3 կետերի համաձայն գրավառուն իրավունք ունի.

2.2. գրավի առարկայի հաշվին լրիվ ապահովել իր պահանջները՝ կապված գրավով ապահովված պարտավորությունները չկատարելու կամ ոչ պատշաճ կատարելու հետ, ինչպես նաև հատուցում ստանալ հաշվարկված տուժանքների և վնասների դիմաց.

2.3. Հայաստանի Հանրապետության օրենսդրությամբ նախատեսված դեպքերում պահանջել գրավով ապահովված պարտավորության վաղաժամկետ կատարում:

Հայաստանի Հանրապետության հարկային օրենսգրքի 437-րդ հոդվածի 4-րդ կետի համաձայն՝ հարկ վճարողի կողմից իր հարկային պարտավորությունները չկատարելու



ՔՅ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

դեպքում հարկային մարմինը իրավունք ունի այդ պարտավորությունները մարելու՝ ի հաշիվ գրավադրված գույքի՝ «Դատական ակտերի հարկադիր կատարման մասին» Հայաստանի Հանրապետության օրենքով սահմանված կարգով:

Հայաստանի Հանրապետության հարկային օրենսգրքի 437-րդ հոդվածի 12.1-ին մասի համաձայն՝ հարկ վճարողի կողմից պարտավորությունների աստիճանական մարման ժամանակացույցով սահմանված ժամկետում գրավով ապահովված հարկային պարտավորությունների կատարման առաջին իսկ խախտման դեպքում հարկային մարմինը խախտման օրվանից հետո՝ 10 աշխատանքային օրվա ընթացքում, հարկ վճարողին և գրավատուին ներկայացնում է գրավոր պահանջ՝ գրավով ապահովված հարկային պարտավորությունների կատարման համար:

Միաժամանակ հայտնում ենք, որ Հայաստանի Հանրապետության հարկային օրենսգրքի 437-րդ հոդվածի 12.1-ին մասի համաձայն ներկայացվող գրավոր պահանջն արդեն իսկ ուղարկվել է հարկ վճարողին:

Նույն օրենսգրքի 437-րդ հոդվածի 12.2-րդ մասի համաձայն՝ հարկ վճարողի կողմից գրավով ապահովված՝ չկատարված հարկային պարտավորությունները ենթակա են կատարման այդպիսի պահանջը հարկային մարմնից ստանալուց հետո՝ երեք աշխատանքային օրվա ընթացքում:

Միաժամանակ հայտնում ենք, որ նույն օրենսգրքի 437-րդ հոդվածի 13-րդ կետի համաձայն՝ հարկ վճարողի կողմից սույն հոդվածի 12.2-րդ մասում նշված ժամկետում իր պարտավորությունների չկատարման կամ մասնակի կատարման դեպքում հարկային մարմնի այդ պահանջը սահմանող փաստաթուղթը համարվում է անբողոքարկելի վարչական ակտ, որից հետո հարկային մարմինը գրավի պայմանագիր կնքած անձի նկատմամբ կարող է կիրառել անբողոքարկելի վարչական ակտերի համար Օրենսգրքով նախատեսված հարկային պարտավորությունների հարկադիր կատարման ընթացակարգերը:

Սույնով տեղեկացնում ենք, որ Հայաստանի Հանրապետության պետական եկամուտների կոմիտեն սկսել է 03.12.2021 թվականի կնքված շարժական գույքի գրավի պայմանագրով նախատեսված պարտավորություններն ի հաշիվ գրավադրված գույքի մարելուն ուղղված գործողություններ:



 Invalid signature



ԱՐՄԱՆ ՄՆԱՑԱԿԱՆՅԱՆ

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ

Signed by: MNATSAKANYAN ARMAN 2012760074

ԱՐՄԱՆ ՄՆԱՑԱԿԱՆՅԱՆ

Կատարող՝ ՀՀ ՊԵՎ իրավաբանական վարչության
հարկադիր գանձման և պարտավորությունների
կատարման ապահովման բաժին,
գլխավոր մասնագետ Հրաչ Մուրադյան
հեռ.011 549191 /91-87/



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am